



Trotzchöpf 1983

CLIQUE LIESCHEL

Sujet 1991: Bruuchtums-Export

Hesch früener in der chalte Winterzyt müesse plange,
bis im Maie die erschte Aerbeeri an de Stöckli hange;
das isch hütt gottlob ändgültig fertig und verby,
um d Jahreszyte und um d Saison muesch di nümme kümmernere,
das chönnsch losy.

S wird alles und zu jeder Zyt vo neume importiert;
Badeschuum, vo de Franzose mit Lavändel parfümiert,
Nüssli, Fyge, Dattle usem färne Oriänt,
zum Teil sy d Pryse derfür horränd.

Au mir sy zwar im chlyne Rahme im exportiere Meischer;
Milch vom Bodäsee, weckt im Jura d Läbesgeischer.
Aprikose, hert und grünen, usem Wallis sy in euse Läden,
derfür überchömmere d Buure im Graubünde eusi Chirsi
fascht vergäbe.

Näbe de Ware, wird jetz au Kultur umägschobe,
also ehrlich, mir finde das verschrobe.
Euse Banntag mit Vorderlader, sy im exportiere der Hit,
drum gönge, wenn me rüeft, uf Martiny fascht alli mit.

Zwar gits Problem mit der Tulpe und em Flieder,
hejo, die gits doch erscht im nöchschte Früelig wider.
Aber das haltet au der stuurschti Banntägler vom go nit ab,
mit em Blueme sueche für e Huet haltsch eso die ganzi
Familie in Trab.

Mit Pulverdampf, wyssem Wy und singe,
deuje mir so Kultur ins Wallis bringe.
Der Chiembäseumzug het selle nach Bellinzona Liecht und FÜR
go bringe,
alles isch parat und fertig, nummes OK cha sich nit duräringe;
so blybe mir an dere Fyr, wo alli derby sy, au s letschte Bey,
ganz brav mit eusere Kultur dehey.

Au nach Brunne hei mir welle mit eusere Kultur;
mit Fasnecht, pfyffe, drummle, alli koschtümiert und in Montuur.
Au das wird leider nüt in dam Jahr,
so cha eim s exportiere wirklich vergoh.

Aber ei gueti Nochracht hei mer no am Schluss;
isch der Fotiapparat grad hütt nit im Schuss,
heschs Video falsch programmiert
oder e Spruch vo der Latärne nit kapiert,
das macht in däm Jahr grad nüt,
muesch di nit ärgäre, alles wird guet.

Im Dezämber isch de Zug, fascht der ganzi,
in Gämf uf der Schwanzi.
Denn deuje mir gässle, schränze, intrigiere,
und so d Gämfer kultiviere.

Drum säge mir nit: bis zum nöchschte Jahr,
sondern nur: bis uf Gämf au in däm Jahr.

Wetsch in Rueh none paar Sprüch uf de Latärne läse,
am Zyschtig sy alli ufgschteilt im alte Züüghuus vom
zwei Zmittag bis am achti Zobe.